

DISCOVERS

SVR LES TRIOMPHERS
de la feste de S. Louys en
l'honneur du Roy.

*Ensemble les particularitez des feux artifi-
ciels décrites selõ la disposition des sieurs
Bagot, Iumeau & Morel, auteurs
desdits artifices.*



A PARIS,
Chez PIERRE RAMIER ruë des Car-
mes à l'image saint Martin.

M. D C. XIII.

Avec Permission.

DE PAR LE ROY;

& Monsieur le Preuoſt de Paris,
ou ſon Lieutenant Ciuil.

DEffenſes ſont faites à toutes perſonnes de quel
que qualité & condition qu'ils ſoient, d'impri-
mer ou faire imprimer vendre ne diſtribuer autres
Diſcours ſur les triomphes de la feſte de S. Louys,
en l'honneur du Roy, enſemble les particularitez
des feux artificiels deſcrites ſelon la diſpoſition des
ſieur Bagot, IumEAU & Morel, tant ceux qui ſe firent
Dimanche 25. Aouſt, que ceux qui ſe feront leudy
29. dudit mois, & Dimanche premier iour de Septē-
bre 1613. à peine d'amande arbitraire, & de tous deſ-
pens dommages & intereſts. Faict le 27. Aouſt audit
en 1613.

Signé, H. DE MESMES. DE PARIS.

Case

F

39

1326

1613d



LES TRIOMPHES DE
la feste de saint Louys.

AV ROY.

SIR E vostre France tri-
omphe en esperance des
effets de vos armes, & le
iour de vostre feste où
toute esclatte de feu & de
foudre est vne prediction asseuree des
feux de ioye de vos conquestes ad-
venir, ie ne sçay si la Royne vostre me-
re en eust quelque reuelation, com-
me Olympias mere d'Alexandre, qui
songea qu'elle portoit vn foudre: mais
on voit biẽ qu'elle se plaist aux vertueu-
ses actions de vostre inclination natu-

relle pour faire reussir plus heureuse-
 mēt les promesses de vostre naissance,
 & qu'elle sçait en verité, ce que l'autre
 ne soupçonna que par songe, Cesar le
 fortuné ayant releué le courage des pi-
 lotes qui n'osoient au danger de leur
 personne se refier à leur experience,
 vint à chef de ses pretentions, & vostre
 Majesté, Sire, qui refuseille les inuētiōs
 nō des Archimedes, mais des Archimai-
 stres, verra vn iour accōplir ses desseins
 à l'augmentation de vos estats & à l'ad-
 uantage de vos subiects, qui vont de
 cœur & de bouche benifsāt vostre nom,
 nom fatalement heureux à la France
 pour trois raisons, la premiere, pour ce
 nombre de treize, esgal à celuy des A-
 postres, dont le treziesme fut sainct
 Paul dernier en datte & premier en
 œuure, ayāt plus trauaillé que les autres
 à l'establissement de la foy, ce qui nous
 faiet croire qu'estant le treziesme du

nom vos fideles subiects receurôt plus de consolation & de support que de vos deuanciers. La seconde pour saint Louys vostre predecesseur qui fut comme vostre Maiesté sous la Regence d'une vertueuse Princeesse, laquelle sceut appaiser avec prudence & avec autorité, comme a fait la Roynne vostre mere, tout ce qui pouuoit troubler le Royaume de son fils.

La troisieme parce que ce nom vous a esté donné par Henry le Grand, vostre pere, le nom duquel a seruy d'effroy à ses ennemis, & de bouclier aux siens, & duquel ce vous fera assez de suiure l'exemple, tant pour la valeur, pour la prudence, pour la pieté, pour la clemence, que pour tant d'autres belles qualitez dépeintes éshistoires de ses gestes.


Voila pourquoy on dira de vostre Majesté ce que Chilon disoit de Iupiter que lors q̃ tout estoit paisible en terre,

qu'il s'exerçoit au Ciel à rabaisser l'orgueil des superbes, & à recevoir les offrandes des hūbles. Durāt la trāquilité de vos subiects, vostre Maiesté s'exerce à menacer par ces foudres ceux qui feroiē des monopoles cōtre le repos des vostres, & par ces plaisantes recreatiōs gaigne les cœurs de son peuple.

Le grand Seigneur choisit pour son successeur, celuy de ses fils qu'il voit le plus enclin aux armes, se faisant accroire que ses proüesses respōdront à son inclination.

Vous, Sire, qui legitiment possédez le septre de vos ancestres auez encore des qualitez dignes non seulement de vostre Empire: mais de commander à toutes les Monarchies de la terre, qui promettez par vn instinct naturel que vous auez à la guerre, d'arborer vos enseignes en la terre des mescreās, & d'antervos palmes en Iudee, cōti-

nuāt les victoires de S. Loys vostre patrō
& vostre ayeul. Je fais halte, par ce que
ma lāgue ne peut assez dignemēt expri-
mer les propheties de vostre horosco-
pe, & q̄ ma plume ne peut voler si loing
q̄ vostre renōmee. Permettez (Sire) que
ie face lire aux estrangers & à vos sub-
iects, ce que vostre commandement
faict voir aux yeux des Parifiēs, afin que
s'ils n'ōt l'hōneur d'envoier les merueil-
les, ils ayent ceste faueur d'en voir les
prediCTIONS.



VOICY CE QVI SE PAS-
sa des artifices, & premieremēt de l'in-
vention de Bagot Artillier ordinaire
du Roy, qui a eul'honneur de commen-
cer ces artifices.

LImanche au soir 25. Aoust, augu-
Dste à la verité pour tant de raretez,
Sparut sur l'eau au dessous du Pont
Eneuf à la vue du Louure, vn ba-
 steau, sur lequel estoient deux pyramides sur
 pieds destail, l'vne sur la proue, & l'autre sur
 la pouppe, enrichies de chiffres, & d'vn globe
 resplendissant d'estoiles, releuees des armes
 du Roy à l'vne, & a l'autre des armes & des
 chiffres de la Royme, garnies de lances à feu,
 depuis le haut iusques au pied-destail, & au
 dessus des armes de chasque pyramide il y a-
 uoit vn feu.

Au milieu du basteau estoit vn Neptune
 avec son tridēt cōposé de fusces & de feux,
 neptune & tridēt: derriere lequel yauoit 3. ra-
 teliers chargez de fusces, le bateau estoit
 bordé de

bordé de lances à feu de girādoles, & pots à feu, du costé du Louure, & aux deux bouts des moulinets & le costé de Nesle estoit semé de boestes à feux & de grenades.

Premieremēt le Roy ayāt fait dōner le signal de son cabinet, avec vn flambeau allumé luy faisant faire trois tours, ces deux pyramides furent allumees, puis les lances à feu, desquelles le bateau estoit entouré, d'oū sortit vne infinité de feu avec le Neptune & le trident, & vne infinité de girandolles, six tournoyantes & iettans des fusces volantes, & plusieurs fusces iouerent à mesme temps, où estoient attachez des pots à feux, iettāt vne infinité de fusces brulantes en l'eau.

Tous ces artifices estoient accompagnez de six tambours & trois fifres qui sembloiēt respondre au tintamarre de ces artifices.

Cestuy-cy Sire en vous représentant vn Neptune, auquel il fait lancer du feu au milieu de son onde, vous promet la faueur des ondes pour l'acheuement de vos entreprises

Après tout cela Esauille Gentil-homme de Monsieur d'Elbœuf icctā des fusces de l'esperon aupres du logis de la Roync Marguerite, lesquelles enfantoient plusieurs serpenteaux,

*Voicy l'inuention de l'umeau, qui est plus
que iumeau en ses Artifices: ce l'umeau
mesme qui fit voir à vostre Majesté le
22 Iuillet 1612. à tous les Princes du sang
& à vne infinité de monde, vn canon
de cinq pieds huit poulces, duquel il ti-
ra cét quatre coups en neuf heures, avec
admiration de vostre Majesté & de
tout le monde.*

*Ieudy 29. d'Aoust 1613. qui à la verité est
august pour ces merueilles. Le Roy mettra
le feu dans vne fusée apposee sur vn cordage
attache à vn balcon au bout de la grand gal-
lerie des Tableaux. Et ceste fusée mettra le
feu dans vne estoupille qui retient vn mou-
uement lequel fera courir vn Iupiter sur vn
autre cordage, qui ayant deux foudres en ses
mains avec trois lances à feu sera porté par
ce mouuement iusques sur le haut de la tour
de Nesle, sur laquelle il y aura vn feu, com-
posé de cinquante lances à feu, assauoir trē-
te lançans leurs feuz en l'air, & les vingt au-
tres iettans des petites fusées en terre avec
vne quantité de grenades & de salissons: &
de l'en mesme temps partira vne autre fusée*

qui mettra le feu au grand Artifice auprès de la Majesté, auquel il y aura quatorze girandolles ou roües de feu, & vne autre élevée au dessus de la tour de la Porte neuve environ de dix pieds.

Cest artifice est composé de six soldats, trois avec espees & rondaches qui se promèneront & combattront sur vn theatre de 12, pieds de diametre, les autres trois ayās chacun vn mousquet, tirerōt chacun 12. coups d'une seule charge dans les rondaches, & à mesme temps il se fera vne escoupetterie de quatre vingt ou cent coups de mousquets sur chascue rondache.

Ce premier mouvement sera mené par vne seule girandolle de quatre pieds de diametre.

S'il est permis de dōner quelque pronostic à ces raretez.

Ce Jupiter qui du Louvre porte ses foudres à Nesle, semble représenter le Roy, qui de l'Orient iusques à l'Occident embrasera le cœur des peuples, les vns par crainte & les autres par amour, i'appelle le Louvre son Orient, parce que c'est la demeure de ses ayeulx, & Nesle son Occidēt pour luy estre opposite, & comme ces foudres de Jupiter allumeront d'autres feuz, la valeur &

Et l'authorité du Roy animera les courages de plusieurs Princes & Seigneurs qui assisteront à ses Conquestes. C'est assez pour la predictiō venons au discours.

Sur le second estage, qui est vn piedestal sur vne pyramide, il y aura vne grāde rouë de feu, laquelle tournera trois quarts d'heure, iettant vn feu à la circonference de 20. pieds de diametre, & alentour de la Pyramide il y aura plusieurs cercles de feu & vne girandole sur le poinçō de la Pyramide, laquelle s'eleuera en l'air en tournant.

Ces trois feuz tant du grand artifice, de la Porte neuue, que de la tour de Nefle ioueront en mesme temps, & les fusees faisant leur rencontre en l'air, lanceront leurs feux en circonference, & s'entremelleront les vns les autres.

Plusieurs fusees se combattront sur les cordages apres que Iupiter aura lancé son foudre sur la tour de Nefle.

Après sur 6. rateliers de feu il fera iouër 50 fusees extrememēt hautes, avec vn feu cōtinuel iusques où monteront les fusees, dont les vnes en enfantēront 6. autres en l'air, les autres 12. estoilles, & les autres porterōt des sauffisses en l'air, & tomberont en l'eau faire leur effect. Pour seruir de boeste ou de canō

Il y aura sur la muraille où sera le grand artifice, 268. pieces de feux iouans consecutiue-ment les vns apres les autres, faisans autant de bruit que des canōs. Cestuy cy vous promet le ciel fauorable, il ne vous reste que la terre.

MOREL vn des cheuaux legers de vostre compagnie, & Cōmissaire de vostre artillerie la preuiendra par ses artifices. Premièrement ayāt enuoyé ce cartel au Roy

*Ma victoire sera le prognostic de voz triumphes,
Et si ie meurs à vostre seruice, mes ennemis ne se
preuendront de ma deffaite, qui cherchera ma
perte se doit resoudre à la siene: mes cendres ser-
uiront de sepulchre à voz ennemis: bref ce sera
assez apres ma mort pour intimider les viuans
de parler du braue Moreliz andre.*

Lundy deuxiesme iour de Septembre il sortira de l'arcenal dans vn char triomphant composé de tro-
phee d'armes en feux d'artifice, se placera sur le quay
des Celestins: apres il sortira huit hommes de l'ar-
cenal qui le viendront assaillir avec des masses de feu
& il leur resistera avec des lāces de feu, & ne le pou-
uant vaincre auront recours à des rōdaches, qui leur
seront donnees à la porte del'arcenal, avec lesquelles
ils retournerōt à la charge: il leur sera resisté avec for-
ce grenades composees chacune de trēte fusees, des-
quelles se fera vne grande escoupeterie, puis trou-

est presque forcé, pour n'estre vaincu que de ses armes, mettra le feu dans son chariot, enscuelissant les ennemis en ses ruines, le chariot demeurant demie heure à brusler, les trophées d'armes iettans lances, fusees, grenades, & tout autre feu d'artifice.

Ce chariot estant mis en cendre, plusieurs petits forts avec vn nombre de fusees atterqueront vn chasteau dans l'isle Louuiers par trois endroits, separé du quay des Celestins d'vn bras de la Seine, qui se defend avec force fusees.

Quelque temps apres ces petits forts mettront le feu dás ce chasteau, tout d'vn coup, avec force fusees.

Ce chasteau à quatre faces de la hauteur de 7. toises composé de huit portaux à chasque face. & de quatre pyramides de 12. pieds de circonference, toutes garnies de lances à feu, au milieu duquel est vn donjon avec vne Couronne Imperiale, & les armes du Roy & de la Roynne au dessous entouré de girandolles.

Sur chasque portail il y aura cent lances à feu, autant à l'entour.

Les fusees des petits fors mettront le feu à tous ces portaux & durera demy quart d'heure.

Ces portaux estés acheuez de brusler, on mettra le feu à vne des dix rondaches qui seront en l'Isle, composees de deux cens fusees, mótant en l'air d'vne excessiue hauteur toutes en vn coup.

Ce chasteau fera partir des fusees qui mettront le feu à vne infinité de lances à feu & de fausillons, & en mesme temps le chariot s'approche du chasteau, estant eslongné de deux cens pas, & mettront le feu aux quatre pyramides du chasteau, lesquelles tour-

neront incessamment.

Les pyramides reduittes en poudre, le feu se prendra à vne autre rondache de deux cens fusées à estoilles en mesme temps.

Après cela le feu se prendra aux balustres, où il y aura cent lances à feu garnies de saussillons sans nombre & durera fort long temps.

En suite de cecy le feu prendra en vne troisieme rondache de trois cens fusées volantes en l'air.

Outre plus le feu se prendra à cinquante boetes, portans pots à feu en l'air garnis de coups & de fusées.

Cela acheué, le feu s'allumera en vn autre rondache de deux cens fusées, chacune garnie de vingt lezards ou serpenteaux, & toutes monteront en l'air en mesme temps.

En suite, le feu recommencera audit chasteau par cinquante pots à feu, tous garnis de coups & de fusées creuant tous en l'air.

Derechef le feu se prendra à vne autre rondache de deux cens fusées, chacune de six estoiles, allant tout d'vn coup en l'air.

Cecy finy, le feu se prendra au Donjon, qui le mettra à la corône posée sur vn piauot qui la fera tourner.

Le feu se prendra encores à vne autre rondache de deux cēs grosses fusées portant chacune quinze grandes estoiles s'esleuant en l'air toutes en mesme tēps.

En continuation de cecy le feu se prendra en cent lances à demy couchees au sommet des balustres, garnies de boutons à feu, de saussillons, de coups ou pets, & estoilles.

Puis après le feu se prendra à vne autre rondache de deux cens fusées fort grosses, portant chacune

quinze fusees.

En apres le feu se prendra au sommet des balustres à cent trompes de feu garnies de gros faussiflons, & de boutons de feu, & dureront fort long temps.

En suite le feu se prendra à deux rondaches l'une apres l'autre, chacune de cinq cens fusees.

Pour dire adieu il mettra le feu à vingt girandoles montan toutes en l'air.

Tout cecy sera suivy de 50. fusees iettees à la main qui en enfanteront chacune cinquante autres.

Voila donc la terre, Sire, qui avec le ciel & l'eau vous promet sa faueur, c'est assez vous représenter par escrit ce que vostre Majesté aveu & verra à l'œil, aussi ne vous en offriray-ie point le Discours, ie me contenteray que tout le monde sçache qu'il vous est dedié, & que vostre Majesté cognoisse plustost mon obeyssance que mon nom. Il y en a assez d'autres qui l'importunent, & qui pour peu de chose luy demandēt beaucoup, que n'ont-ils au moins autant de merites que de vanité pour se rendre dignes de vos liberalitez.

F I N.

